

雪溪詩

五卷

宋王銍撰

光緒甲辰十月鈔臧

某微記



雪溪詩目錄

卷一

樂府

巫山高

閔山月

白頭吟

折楊柳

送純師歸眉州吉祥寺

舟中夜雪讀正卿教授近詩輒賦鄙句并以

為正



無題

寄題真州高岫寺

蔡天啓作中興碑詩且邀同賦

和江子我見送詩

阮美人圖詩并序

國香詩并序

次韻國香詩并序

姜薄命并序

古意

送王道元運判致政歸潛皖

送和斜川詩二首

山中梅花盛開戲作

繫舟餘杭門訪西湖金輪寺叅上人

縉雲縣仙都山黃帝祠宇

卷二

古詩

明覺寺山中始見梅花戲呈妙明老

明師見和梅詩再用舊韻兼奉送還福唐

次韻率行之見投因賦別

蒙蔡藏用惠古風一軸歎仰不足輒賦病桐

詩為謝感深而詞哀亦

中秋招葉子謙

除夜

无日雪

向伯恭薈林詩

會稽楊梅雄天下其佳者皆出項里相傳項

羽鄉里驗圖志信然戲作楊梅供詩作者

一笑耳

送韓簡伯學士官于臨浦呈勸其重修西子祠

送史純夫歸餘姚

黃州樓霞樓蘇翰林所賦小舟橫截春江是

也曾竝父罷郡畫為圖求詩

登育王山示現塔贈卿璉與三上人

茗溪僧妙詢于其所居淨域開小軒題名

書謝文靖東山圖

卷三

律詩

送王敦素歸金陵

洪駒父泛舟將過賴同張仲宗出錢席間留

詩為別且邀用韻

別高子勉兄弟

別張子彊

和趙德麟

夢中賦秋望

送楊道士歸蔡州

用前韻寄洪駒父

徐師川典祀廬山延真觀用送駒父韻餞別

送酒與許田史純風

送李文若歸修水並吊其兄商老之已

遊洪福寺和閑子東

秋晚洛中道上

題沈休八詠樓

幽居

芭蕉

別故人張孝先

訪閑子開兄弟於餘杭

頃在廬山與故友可師為詩社嘗次韻和予

詩云：後避地山中時可師妾蛻亦二紀

矣靈隱明上人追和為贈用韻謝之

溪上觀雪

秀遠亭

送呂道士還天台山

早秋寄昔慧老

送孫肖之還縉雲

送郭壽翁還廬陵

寄詩奉懷壽翁

送謝景思假太常少卿至三衢省覲

古意

卷四

律詩

寒食

病中

春近

禹廟

八月十四日送葉子謙自會稽之遊江觀湖

歸閩

夜坐

送僧秀游海山諸山

十二月中旬書戴溪亭

重賦梅花

謝史純夫畫連昌宮圖今再觀舊本

寄九峰覺老

雪聲

梅花二首

臨海僧珂公出梅花詩和其韻

姜山通閣黎真骨歸塔以詩送之

剡溪月下泛舟

歲杪道中

送黃生還臨安

再和雪聲

舟行扶病訪王文孺曜庵且蒙和賜佳章次

韻為別

與客游龍山

送無相祖老

送嘉魚周尉

送韓簡伯

次韻梅花

口占示同行

倚樓曲

雜興

賦得隔樹見秋燈

游東陽涵碧亭劉夢得所賦詩也明日過中

興寺遊覽終日記所見

剡溪王秀才畫子猷訪戴圖

必明庵

追和淵和九月閑居詩

畢少董繡任圖詩

和明上人見贈

寄陳彥山

中秋山間觀月

雨夜登雙溪閣

剡溪久寓

送史純夫出疆

秋日

小立

將下山居寄懷

陰日得銅溪老人書

望秋

病中

寄東山覺老

挽詞四首

卷五

絕句

同賦梅花十二題

半開

清晨

風前

月下

雪後

雨中

水邊

竹外

江村

山館

薄暮

欲謝

墨君十詠

弄雨

藏岩

露葉

霜節

舞月

送石

欺雪

雲梢

外風

憶昔

春郊

曉發石牛

山中夜間風雨

芳草

晚望

杏花

古意

雨夜

雪溪亭觀雨

山中早秋

山居追涼

秋容

雪作望剡溪

寄南岩悟禪師

雪溪閑渡西溪

送淳上人遊九巖

泉聲

寄和邢子肩孫肖之始春見寄

憶唐阜寄機上人

寒夜

晚意

即事


南巖悟禪老見于山中同烹玉糝羹

明覺寺折梅

夜晴

古漁父詞十二首





雪溪詩卷一

樂府

巫山高

賴人王

銍



十二危峰隱寒霧旁連三巴下三楚斷崖青黃聳天
 壁秀山蒼茫接天路鼓瑟玉京嬉帝旁下鎮九洞稱
 帝女冥心可見類相求夢裏襄王契神遇鏘然玉佩
 似可期倏爾霓旌去無所天風浩蕩吹太清萬里憑
 虛送飛步行雲行雨終不來歲月人間幾朝暮那知
 一戲疑萬古至今不知高唐處仙兮神兮非與是流

傳只有蘭臺賦山藏虎兇爭怒號峽束江水翻波濤
舟楫寄命輕鴻毛猶起羨慕成譏嘲行人所見日界
淺仰首弥覺巫山高

關山月

戍樓烟：關山月白首征人數圓缺關山不隔四時
寒夜：冷光沙似雪照破天崖萬里心關中又是經
年別雁飛惟願得書歸月下有人魂斷絕關中月下
不勝情獨戍關山更堪說一時北闕賀書多萬古西
戎終不滅陽和待得活枯荻東風洗盡征人血

白頭吟一首

樂府題解云司馬相如將聘茂陵
女子文君作白頭吟絕之宋書志

文君所作白頭吟云
但願同心人歡愛不相離

嫁娶不須啼

浮雲高映天上月月華未落雲已滅濁水長羨清路
塵濁水尚流塵已絕人心不如雲與塵交態無窮旋
消歇我家火齊堆金盤朱樓鎖煙青冥端憶昨聞琴
纔等閒夜奔臨邛相與還鳳凰曲成保驩樂驢蹏裘
典無艱難當壚滌器兩惟悴樂度暗啼愁遠山若儕
狗監動人主君乘駟馬誇故園檄書訶譏蜀父老未
足灑恥徒小恩顏色何嘗不如舊自是心存憎愛間
我方失意天地窄君視浮榮江海寬一身情易復情
難百年有來終有去淒淒嫁娶不須啼出門萬里論

中路我憐秀色茂陵女既有新人須有故請把阿嬌
作近喻到底君王不重顧若知此事乃當然千金莫
換長門賦

折楊柳

手拗楊柳贈行人情條恨葉江南春朦朧烟濕芳
草搖動微風生白蘋長亭短亭銷離魂古情不盡今
情新一聲驪歌幾替哭行人去後春江綠歌哭相雜
江水頭相看不發情何屬江河到海窮日輪蹄行路
無已時路傍楊柳折已盡東風再換明年枝

送純師歸眉山吉祥寺

上人峨眉秀冥々簪高風依游王公間尚帶山水容
誦仙信奇逸蜀僧論絲桐寂默誰為聽誤比萬壑松
崎嶇古今塗執利於其中晚遺似鳥識物我無異同
是心湛寒水處々流真空猶嫌百年夢剩此一枝筇
忽懷煙霞想永念菽水供身為及哺鳥更逐高飛鴻
斜日澹歸袂不似秋色濃孤行拾黃葉一笑千山重
乘宿揮餘戀中樓香歸踪從茲与明月相伴落何
峰

舟中夜雪讀正卿教授近詩輒賦鄙句并以為
別

百年半羈棲輕與故山別回首千萬峰飛夢不可越
弭棹滄上亭北鄉愴時節朝稱迴野風夜聽孤舟雪
濕薪無暖焰燭淚共明滅癡坐增漉然何以慰清絕
斯時咏君詩心抱益澄澈未從觀魚莊先得馭風列
荆玉出此邦誰獻復誰剛山川漫奇麗文物久銷歇
君詞吐白虹神寶疑不沒我欲廣餘恩景好句逾拙
如遣白漏令未得丹砂訣萬里烟雲開揚舲及明發
荆山自茲遠雲濤渺天末兩地見梅花相思不同折

無題

三月柳花飛東風繡香國桂影弄春光飛瓊帳分袂

雲輿返積霄翠浪翻天未闋苑桃李花莫使芳馨歇
緬想霞中人芙蓉豔秋色烟鷺吟碧空行雲不停刻
何事寄紅埃悲聲調綠髮神觀洞太虛紫清注金格

玉晨丹鳳檢詞章煥瓊笈誰執招真旗笙簫下空澗
聖光湛法身生死本無別妙合造化機陰陽時出沒
欲識天中真寒江浸明月

寄題真州高岫寺

一峰秀色何高寒更于木杪橫飛欄荆吳形勝妙天
下間鎖雲錦光爛斑山從千古混沌始江自萬里岷
峨還江山無際真賞遠人境未如心境寬乃知萬象

自變滅我與天地俱清閑時未登覽健意氣興落烟
靄空濛閒宛如列岫在扁鐫何待謝守窓中看仙壺
日月悟世換蟻穴富貴羈夢殘易中求象山有天須
弥納芥曾何艱乾坤牽籥一氣內鉅細兩不離區寰
徑呼飛仙來取醉笙簧彷彿鐫珮環已鞭鸞鳳到三
境何待虎豹號九閩只今朱夢半落日誰繫畫舸臨
蒼灣何當脫身戎馬際共契妙旨相追攀懷我欲往
波浪濶回首江南江北山

蔡天啓作中興碑詩且邀同賦

一日屠戮三庶人天理已盡殺氣昏青宮愴三

載免禍自求黃屋尊忠臣開除兩京路未知日月雙
懸處歸來祈哀語可憐今日貴作天子父滿湘江邊
鐘宮碑烟雲相連愁九疑湖南萬古長嗟地刺與屈
原添餘悲雄文漫郎來作吏正色顏公謂西內兩賢
憤記金石堅莫求此碑求此意休聞九閩訢帝旁莫
化杜鵑題故鄉糜崖難推幽恨長水流不盡山蒼

題洛神賦圖詩并序

風雅頌為文章之正至屈原離騷兼文章正變而言
之湘君湘夫人山鬼多及帝舜堯皇以繫恨千古宋
玉賈誼師其餘意作招魂賦鵬極死生憂傷怨懟之

變亦兼正與變而謔言耳其後李太白作遠別離亦
云九疑連綿荒相似重瞳孤墳竟何是李當塗編次
以此詩為謫仙文集第一篇亦以祖屈原悲英皇本
意耳而韓退之晚年迺作黃陵南海廟碑文章詞指
非世間語也蓋生平周旋造化妙理已多至是方能發
鬼神之情然後出遠荒忽奇怪無餘蘊于天地矣文
章必能盡羈旅風霜山行水宿極其憂患離別悲傷則
真情乃見與夫男女之際鬼神之情狀死生之變態
使幽顯表裡內外洞達然後為至焉曹子建與七子
立游而獨能脫遺建安風格作洛神賦雖祖屈宋而
能激其餘波侵尋相及矣非託寓于婦人仙神亦安
能至此也近得顧愷之所画洛神賦圖樞本筆勢高
古精彩飛動與子建文章相表裏因賦一詩書其後
蓋屈宋實謂子建其出恨莫伸一也故文章能達其
所存以極窮古鴻荒之理學者可以辨是矣
曹公文武俱絕倫傳與陳王賦洛神高情寓託八荒
外曾是親逢絕世人五官郎將莫輕怒椒房自是袁
家婦閻道生時覆玉衣便是于今腰束素鷲鴻翻然
不重顧射鹿深窵更淒楚不將降虜賜周公先識禍
穢楊德祖此意明、可自知豈有神人來洛浦用

平生八斗才七步那能說微步楚騷日月常爭光湘
夫人後誇高唐丹青盡寫鬼神趣筆端調出返魂香
妙画高文畫天藝神理人心兩無異此情萬古恨茫
茫且為陳王說餘意

和江子我見送詩

放舟弄清泚始覺南風清白雪認鄉樹永念隨父兄
一夢三十載將老猶行聊將鄭衛耳一聽新蟬鳴
空懷烟霞想下及飛鴻征多公久

荆復得簪纓

茅屋照野水寒窓抱深明
此生總一戲萬物

琴阮美人圖詩并序

龍眠李亮工家藏周昉美人琴阮圖兼有宮林示富

貴氣象旁有竹馬小兒欲折檻前柳者亮工官長沙

而黃魯直謫宣州過見之歎愛弔日大書一詩于黃

素上曰周昉富貴女衣飾新舊兼髻重髮根急薄粧

無意添琴阮相與娛聽絃不觀手敷腴竹馬郎跨馬

要折柳此画後歸禁中胡馬驚塵洒落何許而詩亦

世不傳僕舊見之位置猶可想像也病中追和其詩

當令善工試圖之耳

丹青有神藝周郎獨能兼圖畫絕世人真態不可添

却憐如畫者相與落誰手想像猶可言兩重春籠柳

國香詩并序

國香荆渚田氏侍兒名也黃太史魯直自南溪召
為吏部副郎出荊州乞守當塗待報所居即此女
比鄰也太史偶見之以謂幽閑姝美目所未覩後
其家以嫁下俚貧民因賦水仙花詩寓意云淤泥
解出白蓮藕薰壤能開黃玉花可惜國香天不管
隨緣流落小民家俾予和之後數年太史卒於嶺
表當時賓客零散此女既生二子矣會荆南歲荒
其夫鬻之田氏家田氏一日邀予置酒出之掩抑

因悴無復故態坐間話當時事相與感歎予請田
氏名曰國香以成太史之志政和三年春客京師
會表弟汝陰王性之問太史詩中本意因道其詳
性之文詞俊敏好奇博雅聞之拊髀歎息曰可留
之篇詠為一段奇事因為賦之且邀諸公各作一
篇云

南京太史還朝晚息駕江陵頗疑殊毫曾詠水
仙花可惜國香天不管將花託意為羅敷十七未
有十五餘宋玉門牆迂貴從藍橋庭戶怪貧居十
年月色遙成處公更不來天上去已嫁鄰姬窈窕

安空傳墨客態慙向聞道離鷺別鶴悲藁砧無賴
鸞娥眉桃花結子風吹後巫峽行雲夢三時田郎
好事知渠久酬贈明珠同石友憔悴猶疑洛浦妃
風流固可章臺柳寶髻犀梳金鳳翹樽前初識董
嬌饒來遲杜牧應須恨愁殺蘇州也合銷却把水
仙花說似猶省西家黃學士乃能知妾三當時悔
不書空作黃字王子初聞話此詳索詩裁与漫漶
涼只今駐豆無方法建使田郎賦國香

次韻國香詩并序

表子高子勉南平武信王孫學問文章知名四海黃

太史自黔南召歸過荆南與為忘年交贈六言詩曰
顧我今六十老付子以二百年此語豈易得哉太史
沒後數年當政和癸巳歲與僕會都城假日話國家
事甚詳又賦長句相示因次其韻凡子勉詩中不言
者僕得以言之矣
百花零落悲春晚不復林園門可款待花結實春已
歸到頭只有東風管楚宮女子春華敷為雨為雪皆
有餘親逢一顧傾國色不辭迎入專城居日成未到
投梭處後會難憑人已去可憐天壤擅詩聲不如崔
護桃花白坐令永抱埋玉悲游手那知京兆眉難堪

別鶴分飛後猶是鷺鴻初見時
新歡密愛應長久暫
向華筵賞賓友舞盡春風力
不禁困裏腰肢一搦柳
座上何人贈翠翹蜀州風調尤情饒
歡濃酒暈上玉
頰香暖紅酥疑欲銷佳人薄命古相似
先後乃逢天
下士但惜盈一水時當年不寄相思字
宜州遺恨
君能詳瘴瘴萬里空悲涼無限風流等閑別
幾人鑒
賞得黃香

妾薄命并序

夜讀齊梁諸集見多有此作因賦二篇繼其聲
寒閨有靜女十載念遠征命捧絳綃薄身同朝露
輕

存心合歡綺待得機栝成送來君獨賞
詎可賣都城
憑夢欲寄遠舊路春草生
獨夜理瑤琴淚燭剪不明
待誰相應節要自不勝情
會有不眠者聽此斷腸聲

少年輕遠行易發同爾汝紅顏望
中老離恨尚如許
妾身異金石更涉幾寒暑
長天誰云廣不見收墮雨
愁未津頭望信絕不得渡
鄰婦念此獨艇子隔溪語
落日下空江修烟淡晴渚
流恨滿春風西飛數歸羽

古意

茅簷秘秀色送古歎不遭游手去
未返徒使寸心勞
朝嘆江海深夜視星斗
高歸期約春風今已木葉凋

一日兩回來看取門前潮

送王道元運判致政歸潯院

好山如幽人深絕常避地
瀟峰獨呈紫孤立信奇最
高擁一峰寒縹緲亂雲氣
萬古招行人誰與賞心會
我公實仙材崑閬失品次
挽公青霞襟來作縹衣使
終身汗漫游高舉九霄外
行色開畫圍秋容捲新霽
造化為我娛神超物無累
我窮知音稀與世久無味
落葉掃不禁歲月水東逝
悲作送公詩出門更何語
贈言詞亦貧無以報高誼
野宿慎衣裘寒霜方夜墜

送和斜川詩二首并序

歲後五日僕欲從西湖追和斜川詩是且江子我居
新市招張仲宗同遊後
兩止亦和此詩見寄事
之脗合有若此者昔白樂天游茲思寺元微之在梁
州同日夢其地各賦詩相寄議者謂相望千里而神
會誠心流通無足怪者輒再和二篇為寄且識其異
焉

又

採藥遊名山恐是韓伯休歎段下澤車久師馬少游
兩公學真隱異世今同流遇害能鳴雁多猜不下鷗
何如脫羈馬尋壑與尋邱人生亦誤計獨醒無匹儔
天地本虛靜萬物自應酬陰陽驅意氣定能相勝不
沈復漆室女浪為魯國憂真妄兩非是湛然一無求

山中梅花盛開戲作

化工難迎天地春下遣第一天仙人前驅飛雪助幽
絕千里隔盡巖與塵何心百卉擅獨秀寒入萬物無

精神綽約肌膚瑩香玉借與東風立花國開破天地
發生心引出世間凡草木品流不數廣寒宮為嫌月
姊長孀獨波上輕盈掌上身有未比並皆塵俗須知
尤物到絕言從昔華詞吟不足溪回路轉一枝斜可
惜天寒倚修竹窮途游子歲華晚腸斷夜山館宿古
今幽怨不盡情更入淒涼笛中曲荒山偶賦梅花詩
佇立花前香在衣傷心不忍別紅紫付與曉風零亂
飛

繫舟餘杭門訪西湖金輪寺恭上人

北郭望西湖微徑築尋尺澹與人意長雪寒正無色

深尋幽禪居步轉蒼山側落葉不可紀遮盡山下石
師方無定居我亦何所適四海漭無歸老矣山中客
百年熟襟緣還此共禪寂語罷今古分坐上有陳迹
一笑視此生何事非戲劇開門納遙峰暮雨一江白
茲游非世逢歸路晚蕭瑟積陰迷曉昏鐘聲報將夕

縉雲縣仙都山黃帝祠宇

我渡溪水尋荒村群峰勢若萬馬奔酣之春色雪初
霽霽之野氣山猶昏瓊樓金闕滌地盡松柏半帶斤
斧痕要還清淨掃塵濁一炬劫火安得焚行人鞠躬
下拜馬仙都妙理吾能言威神可畏慄如在有臺今

亦祠軒轅當年垂衣正南面制作取畫乾與坤鑿開
鴻荒肇人紀首為區宇立本根風后力牧來聯翩神
機開闢施無垠初聞傳道廣成子後乃密契中君
功高德大不可擬與造物兮遺恩遙之唐虞逮矣
運萬年聖子兼神孫至人御世用常道飛升輕舉安
足論爰作一氣生萬物奈何已把天人兮伏羲八卦
畫已破女媧欲補理亦繁飄然獨返紫清去却鈿造
化歸全渾廟前仙石表今古屹玄霄壤爭雄尊鼎湖
可望不可見意令後世難攀援頂中玄宮飄泥丸自
然有路朝天闈此身內外神氣合俯仰自超生死門

默運四時無詭異試觀日月誰吐吞祇今湖邊送風
雨草木吹動旗與幡飄落十丈紅齒齒碧溪下插玻
璃盆馬蹄車轍不隨須有雖迷襄野道自存崑泉夜發
百谷響洞庭樂聲猶可聞山川古色藏妙意誰與開
滌明根源我談希更返淳朴不假辨說波濤翻

雪溪詩卷二

古詩

明覺山中始見梅花戲呈妙明老

賴人王 銍

急晷馳輪歲將歇我更荒村轉冰輟凝巖萬物凍無
姿水墨陂塘葭葦折是誰背向此間來破萼梅花伴
幽絕遙山誰恨天作愁澹畫眉峰半明滅清香自滿
不因風玉色素高初鬥雪竹籬凝睇一淒涼沙水澄
鮮兩明潔天仙謫自廣寒宮定與桂娥新作潔尚憐
媚獨看相望多情與照黃昏月從來耐冷月中人一

任北風吹石裂漫勞粉鏡學粧遲欲寫水膚画工拙
千古無人識歲寒獨有廣平心似鍊我因花意拂埃
塵尚恐人傳南城闕詩成火暖夜堂深地爐細與山
僧說皮日休曰宋廣平鍊心石腸乃作梅賦有徐廣
風格予謂廣梅花高絕非廣平一等人物不足
以賦咏

明師見和梅詩再用舊詠兼奉送還福唐

斲輪妙手聲名歇誰信出門猶合轍後來世外有高
禪凜：蘭摧并玉折久將生死付八還不數圖書歸
三絕詩未乃與梅爭妍懶髓補痕還紅未滅却知一夜
卷東風開畫寒枝千點雪漢宮婕妤體自香月裏飛

仙長玉潔白頭對境憶年少每到花開重離別愛花
取醉惜花闌春戀盈之花上月人歸吹恨落闌山恨
極欲吹湘管裂何況東溪蔓草寒舉世欲嗤顏謝拙
還驚詩律張吾軍塵戰怯非未嚼鍊歸舟滿載萬珠
璣莫顯神龍藏貝闕明朝詩逐暮潮還餘意憑師筆
端說師舉東溪可上
人詩句法似之

次韻率行之見投因以賦別

素空零玉露碧梧墮金井周年不待人去我如斷綆
歸翼嬾飛翔老驥倦馳騁山空風月滿人戀松桂影
窮方屢厄陳喜動初入郢文豪獲勝游羈思發深省

周原富千箱漢儀重九鼎王謝樂江海巢由本箕頽
談深光明藏游遍妙峰頂頌橘悲屈平賦梅早宋璟
炎涼梁上燕喜怒坎中鼉千年六龍轡謂日萬事
一魚艇居人望歸騎暝色暗前嶺淺學字識了美穴
魚知丙一書隨新雁行慰心烟

蒙蔡藏用惠古風一軸歎仰不足輒賦病榻詩

為謝感深而詞哀耳

老境憂患集坐受衰病侵山林成獨往樽酒惟孤斟
萬事信已矣誠跡棲蒼岑對境未免愁寒雪生嶽陰
斯時之瓊贈無以報兼金酬之病榻詩歎息成永吟

風霜入枯枝蟻蟻穿病心豔々上林樹已朽難寄林
幽人識爨下取作綠綺琴拂拭延妙聲冷々朱絲繩
淳風散已久世偽多注淫一弄清風還三古盡可尋自
然俯仰中山水見高深同心齊取捨何歎異古今永
真遇賞江海有知音

中秋招葉子謹

堂上月已滿樽中酒更空故人眇何許出門惟清風
不如一夕所至皆能同悄然望玉杵無聲桂影中
陰夜

一歲盡今夕既往那可追疎梅吐幽豔輕冰釋寒澌

新陳自相代長作萬古悲亦復強取醉椒盤雜兒嬉
天回萬物春除盡群陰卑地除衆枯槁送今作華滋
一塗不可復綠髮成鬢絲此是有盡處那知無盡時
凡所未除者所慮皆除之晚景安分處幻身絕思惟
生死我所明聖賢吾所師優游觀物變翼戲仍鮮差
山嶽惟塵爾寸心不可移浩歌坐達曉自信何用疑
城頭畫角聲已逐東風吹

元日雪

布和舊重王正月佳祥元日初逢雪飄入林觴氣更
蘇積滿玉蒲水已怯歲歷今總第一行三百六十完

未缺故使重窺混沌時太素山川始融結但聞南陌
流懽聲懶將西佛論初劫九門想得千官期高簪岩
冕白銀闕事隱東林夜宿年靜洒僧窻更幽絕草堂
人去空舊賞夢入江山半明滅祇今縱橫天上未勢
塵邱陵動溟渤映山更倚百尺樓始見天上盛施設
僕嘗謂雪宜映大明日東風掃玉塵輸與寒梅亂花
山高樓自上觀之
發壯觀新年意氣張天巧空奇吾語拙

向伯恭薜蘿詩

楚人喻薜蘿可佩復可食靈均楚同姓放逐去其國
皎々忠良心惕々懼殘賊扁舟下滄浪魂迷招不得

至今芳洲上寂寞少春色我公異于是聲譽超八極
挽公青霞裾接武紫鸞翼真契慕湘纍論心不論迹
我是衆鄉林深身而浴德同心等崇蘭直節逾蒼柏
登善味芝水去惡鋤荆棘今十里香揚雄一區宅
君臣相唯諾 題來藻飾日光萬丈長衆香馥芳澤
況了大因緣功名皆戲劇手擊妙喜國心湛水精域
諸天衆鄉堂旃檀雜蒼筍登門三十年歲晚仍作客
誦公鄉林詩心境為澄澈雖非歌商頌亦出金石
會稽楊梅雄天下其佳者皆出項里相傳項羽
鄉里也驗圖志信然戲作楊梅詩供作者一笑

月

越山楊梅最珍美人傑地靈生項里江東廟食憶至今
今應緣似舜重瞳子南方炎威無時窮落在故鄉草
木中請看枝頭萬點火猶是咸陽三月紅摧剛作柔
隨物轉婦人之仁仍可見風姿和味說難名顏色與
香收易變炎之夏日簾影垂粘污玉簡明報犀映出
越女天下白壓倒驪山生荔枝金鼎奪胎尤出色類萬
人只腹非其對外丹須要內丹成任君風樹連園買
詩送韓簡伯學官于臨浦呈勸其重修西子祠
昔游臨浦春日濃小红紫委如無窮花浮千林錦繡

帷舟颺萬頃玻璃風西施故鄉擅佳麗會稽秀氣藏
華穠是時山晴見真色落日西南千萬峰今情不盡
古情在恨疊晚粧眉暈重恨應但知傾國貌無人能
說亡吳功儻非絕態蕩君意姑蘇臺上猶歌鐘成功
未甘歸范蠡意衣故國甯相從僕嘗作文辨無
范蠡携西子事文公
之孫重端世衣繡門戶推八龍官閑援毫未弔古溪
山頓為開愁容謫仙亦賦浣紗石至今翠綃不停徹
浴池邀伴下瑤池露山越女天下白山頂有西風流
子浴池
晁洗待名流有德于人當白食紅心草葬舊金釵黃
陵廟成新石刻霞裾瓊佩無消息怨魄淒魂招不得

一杯流水奠江離
學蘿山前已秋色

送史純夫歸餘姚

霜晴九月交送子越東門同舟此水上再對波清渾
聚散三十載惟此一意存邦國有大慶去承曠蕩恩
我老百不堪視子猶弟昆新寒黃菊枝落照黃葉村
慘愴欲別語零落未歸魂臨分吐情實衰境意託敦

黃州棲霞樓蘇翰林所賦小舟橫截春江是也

曾宏父罷郡画為園求詩

銅雀不得鎖二喬春江亦夢携西子此樓縹緲相風
流此恨纏綿在雲水洞庭葉下愁湘君不獨陽臺望

兩神精誠感通若相遇夢境幻境皆成真黃州刺史
清如鏡水光山色心同瑩牧之出守到元之誰解把
詩間萬乘圍成携得千里行孤帆趁落斜陽城江頭
莫指挽鄧處離合古今同一情

登育王山示現塔贈卿璉與三上人

危岫戴寶塔亭之起虛空金鐸韻廣樂日夜鏘天風
氣真通天漢興途迤鸞鴻嘉有三禪子超曠棲禪宮
相追不憚遠幽致惟我同興盡歸一默人逐歸雲東
平軒架絕壑上与絕頂通滄溟忽破碎百川競朝宗
斜陽無遠近山亂高低紅四表條明晦變化安可窮
夜深風雨來陰氣誇驕雄響劇百谷咽靜若一氣融
明發石路乾清韻生寒松

蒼溪僧妙詢于其所居淨域開小軒楚僧舉季

若為求名僕以陶靖節乘流遇坎之語勝日
乘遇亦足以觸所遇而安不然雖無名可美

一性本為明返為群物迷境淨皆徑山心清即蒼溪
啓扉迴臨湖之寬覺天低花木春豔之松竹涼淒之
憑欄快神襟永與塵事睽歸船動菰蒲興斷殘霞西
浮烟暝自起待得衆羽棲空諸佛心妙理何端倪

豈有明月珠祇照濁水泥期我老中林滅跡為圃畦
況得大開士賦詠自攀躋禪深有根源白圓無角圭
乃知文字工自與造化齊

書謝文靖東山園

山如出壘肩溪似縈風帶雅意樂溪山安用携粉黛
烟雲無定姿殊麗有真態謝公經世心遇物何頭晦
鐘鼎与山林出處初一槩均令四海間如我常安泰
臨難無喜懼与人共惡愛百年但影殂千載猶心在
風流不可追超然八荒外

右題謝文靖東山園今會稽東小江之上有

東山存焉絕頂下臨江海蓋萬里靈境也僕

觀文靖初渡浙江樂會稽山水与王右軍許

詢支遁孫綽李充遊則東山在會稽哉是矣

僕嘗宿其上題詩層壁云山晴山雨古今恨

潮落潮生朝暮情我識前人舊時意寒岩一

夜聽江聲今觀斯圖併書之為一笑之地耳

紹興十二年二月丁卯書

雪溪詩卷三

律詩

送王敦素歸金陵

曉踏河堤月逢人問去舟已為羈旅客更挽別離愁
 索漠憐同姓丁寧數舊遊欲知幽獨意風露滿城秋
 洪駒父泛舟將過賴同張仲宗出餞席間留詩
 為別且邀用韻

已作分携計尤傷送客歸
 經行汝南郡為問漢陰機
 晚為饒秋色丹楓帶恨飛
 平生無別淚相對信霞衣

賴人王 銍

晚岸雪低月相隨照夢歸行藏歎人境開闔在天機
身與江山遠書尋鴻雁飛薄情怨青女偏解透征衣

別高子勉兄弟

南北奔波歲月催足閒渾未洗塵埃休將舊事從頭
說且喜新年八字來千里遠同傳信雁一枚同插未
開梅濁醪有盡情無盡醉入都門首重回

別張自疆

燕子低飛入壞簷柳條輕拂綠毵毵故園更在北山
北佳節可憐三月三萬古愁多憑濁酒九原事往落

清談都門別恨終難寫滿眼風光思不堪

和趙德麟

故園春濃懶縱觀強尋幽徑步蹒跚風酣蕙草清香
暖烟濕杏花紅粉寒但覺時光自吹換可憐人事幾
悲酸百年未必長于夢虛作邯鄲枕上看

夢中賦社望

閣小寒宜遠林荒晚帶風遙山秋色外獨樹雨聲中
念起三生異心傷萬境因此邦非我里隨意作派通

送楊道士歸蔡州

列子風回馭林宗雨墊巾花明千嶂晚雪暖一山春

爐竈聊隨俗簪裾未稱貧壺公觀中絡聞道接天津
用前韻寄洪駒父

共臨寒水別獨赴暮城歸萬事風前燭百年拔過機
應尋騎鶴客重詠落霞飛材棄終何補京塵化舊衣

又

江山霜落木千里一身歸去國憐張翰回舟為陸機

烟林無際遠寒葉有聲飛何必少陵老悲傷未拂衣

徐師川典祀廬山延真觀用送駒父韵錢別四

首

徐穉前風在何勞白首歸書來寄文錦詩報守寒機

鴛鴦難同力鳶皇任自飛前村幽獨意且放酒淋衣

又

都門兩河路誰送李膺歸人望終調鼎親慈早斷機

漫虛冀閭集不盡羽翰飛酒聖君家慣霜清怯減衣

又

丁令飛昇去千年始一歸琳宮况廬岳烟闕替塵機

洞中斜暉入蒼崖素練飛水雲曾作伴愧我薜蘿衣

又

康阜如蓬島欲尋風引歸烟藤猿啼月雲碓水鳴機

剩結餐霞侶深隨杖錫飛謝公行樂處山翠撲人衣

送酒與許田史純風

塵土裝懷歲月侵
賤官情味我能任
龍鍾老態渾非昨
索漠英游不可尋
蝶遶書窓空費夢
蟻浮玉笋不同斟
相望解寄重陽酒
滿路西風黃葉深

送李文若歸修水並弔其兄高老之亡

子去何悽斷鄉閨
歲月深荒山夜帶
雨古驛夜無人生
死風前燭青容夢
裏身臨分感平昔
揮淚到松筠

游鴻福寺和閑子東

劉家古寺城南曲
選得僧坊共醉吟
野草閑花閑自媚
黃蜂白蝶靜相尋
半簷^{落日}難任滿地
東風掃不禁

漫道青春一分在
池邊綠樹已成陰

秋晚洛中道上

數雁橫空送斷霞
窮秋游子向天涯
泉甘野店黃梁酒
霜重荒原白菊
花滿目劫灰傷井
邑回頭佳氣戀
京華故人他日如
尋我試問壘溪
舊釣沙

題沈休文八詠樓

詩人不見舊樓空
只見溪山與昔同
望處地寬閑白晝
坐來天濶剩清風
六朝遺恨沈衰草
八詠雄篇震彩虹
何待吟哦消瘦日
暫來佳賞自無窮

山居

幽居寂無事晨起伴僧禪
曉澹千岩月秋明水底天
望鄉書斷雁關路客回船
阻絕平生友游清有夢傳

芭蕉

六曲欄干院宇深影連苔色
晝沈沈已將虛實論因
果尤稱風流寫醉吟夢短
不禁簾外雨愁多常怯檻
邊陰可憐今古無窮恨卷
在凋零如寸心

別故人張孝先

平生常歎少陵詩豈謂殘年
盡見之共脫兵戈身偶
在各懷鄉國語猶悲又尋
芳草春風路猶聽孤舟夜
雨時避地海山周萬里此
行無處寄相思

訪閔子開兄弟于餘杭懷先世舊契

山稽交契自當年重到桐鄉
各愴然百里山川清自
舊兩家子弟老于前踈梅
開處數枝玉小雨來時一
段烟歲晚不辭相會數溪
頭尚趁有歸船

往在廬山與故友可師為詩社嘗次韻和予詩

云空中千尺墮柳絮溪上一
旗開茗芽絕愛愛
晴泥開燕子未須風雨落
梨花重江碧樹遠
連雁刺水綠蒲深映沙想
見方舟端取醉酒
酣風帽任欹斜後三十年
避地剡溪山中時
可師委脫亦二紀矣雲隱
明上人追和此為

贈感念存沒泪落衣中因用韵謝之

昔訪廬山惠遠家
尋春草木未萌芽
自從折柳烟中
色不寄梅開雪
後花事往淚多
添海水詩未恨
滿算
河沙驚回三十年
前夢放鶴峰頭
日未斜

溪上觀雪

沙洲莽蒼水雪昏
雪落寒溪鏡有痕
山際疏鐘烟際
寺林邊微徑水邊村
天崖歲月行將盡
人世窮愁孰
与論憶与郵枚同賦詠
人非事往但心存

秀遠亭

境似冰壺表裏清
我來閑伴白雲行
四山迤邐青圍

野一水宛延綠
遠城試問春來觀
秀色何如雨後聽
泉聲昔人飛馭烟霞外
落日空含萬古情

送呂道師還天台山

結宇孤峰蘇徑危
身閑鷗鳥信忘機
水色山色何今
古物態人情果是非
子踏白雲來問道
我垂華髮自
生輝赤城歸去松門晚
萬里秋風上客衣

早秋寄昔慧老且吊慈受老師之亡

昔日禪河早預流
老尋支許剡中遊
一枝數粒同過
夏萬壑千岩相映秋
眼看珠沈滄海底
心傷塔受亂
峰頭不須月落龍天泣
萬古白雲無去留

送孫肖之還縉雲

蓬蒿頻歲掩柴關再喜相逢一陂顏
游子年華紅葉老山人風味白雪閑
那知篋裏書成後猶作溪邊興
盡還流落天涯俱避地念君更入萬重山

送郭壽翁還廬陵

共遭胡騎汝陰城十載相逢尚甲兵
萬里鷓鴣自鶩舉九閉虎豹任縱橫
兩昏山遠行人恨日暮草長幽鳥聲
只有別離心似舊亂來難得是交情

與郭壽俱客錢塘壽翁歸吉州追餞至龍山白

塔寺惜別悵然終日始登車而去既行自日予

得請廬山太平觀將歸隱浙東山中寄詩奉

懷

江邊孤寺舊曾經重柱驕駒當短亭
落日催人心去住東風回首淚飄零
魂歸但覺楓林黑書就終期汗簡青
予作名臣傳數十篇壽翁尤所稱愛 歸隱我無衝斗氣相思時望少微星

送謝景思假太常少卿奉祀温州太廟先至三

衡省觀

神游眇邈海皇城捧詔躬祠盛此行
九代衣冠漢原廟百年禮樂魯諸生
東山世德聲名早南省仙班氣

象清曉雨都門携錦帳
路人更羨練衣榮
古意

有恨無期後
歸天涯作孤客樓上對斜暉
目斷路不斷魂飛
花更飛無多清滴淚
恐損別時衣

雪溪詩卷三

雪溪詩卷四

律詩

寒食

故國千峰外孤舟一水濱
天涯未歸客江上欲殘春
雁去銷魂久花開墜淚頻
東風吹晚雨芳草路邊人

病中

久知身是幻况復病相侵
古寺松篁瘦山空雨雪深
空知書不達豈有客相尋
伴我殘燈火應知夜之心

春近

頽人王 銍

山雪銀屏曉溪梅玉鏡春東風露消息萬物有精神
索漠貧游世龍鍾老迫身欲浮滄海去風浪濶無津

禹廟

書稱堯舜沒禹獨錫成功須信宥天去何疑窆石工
市聲朝夕變山色古今同誰與明真理蒼崖松柏風

題詞又

夏后東階殞遺蹤照路隅今觀四山拱猶似百神趨
功已百王冠言猶萬世謨死生懷舜德舊邑對姚虞

八月十四日汪葉子謙自會稽之浙江觀潮歸

閩

傾蓋論交意氣傾已斷經重續喜君聽山川妙意藏千
古天地神機在六經朝夕事皆翻覆手古人情寄短
長亭濤江君往觀社汪萬頃漲溟無淺汀

夜坐

夜久燈花自吐紅歲華已盡尚飄蓬身游百越風波
外路入千山雨雪中失馬焉知無得喪拂龜那更問
窮通懶將今古送頭數幾度邯鄲夢不同

送僧秀游海山諸山

文室聲塵鎖窅窅飄然更打衲僧色春風正滿碧深
水落日偏宜紅杏梢身外誰非逐日杖法中我是續

信膠雲山烟海難深廣未抵安樓一把茅

十二月下旬書戴溪亭

天下東風轉斗星天涯羈客尚飄蓬零道塗况復任殘歲
風雪那堪宿旅亭春到怯添雙鬢白夜寒愁對一燈
青殘年萬古懷涼恨不計尊前一醉醒

重賦梅花

誰言今與返魂香年々未上開孤芳韻高水天冷相
照清極雪水寒交光姑射神仙瑩冰骨水精宮人素
霓裳近年送臘各愁絕付與世間出恨長

謝史純夫画連昌宮詞頃歲京洛間作此今再

觀舊本

筆下春風錦繡浮花光山影照清流唐朝憂樂君新
意洛邑興衰我舊游急雨打成今夜夢孤燈挑動昔
年愁此身此画俱非定白髮天涯萬事休

寄九峰覺老時自因勝退居

京江別我正堅冰拂袖歸來道更增又見嶺梅來
驛使懶持庭柏對談僧半廊冷月溪山霧一炷幽香
殿閣燈此亦世間愁絕處嶺猿歲晚哭寒藤

雪齋

飛滿前村夜不知憑風聲与靜相宜銀缸志志書成

後玉枕佳人夢覺時乍聽打窗投未急相同捲紅落
梅暹孤舟曾向江湖宿清入寒聲韻更奇

梅花

孤高未處自天人未上常先萬物新不有大寒風氣
勢難開小朵玉精神冰溪影阿斜二月粉鏡妝成淡
淡春直伴東風到青子多情不逐雪成塵

又

古稱秀色若堪餐冷豔幽香畫更難草木書枯風正
惡雪霜初霽月新寒須知淨几明窓見不似蒼山迴
野看羌笛一聲悲落盡傷心何待百花殘

臨海僧珂公出梅花詩和其韻

天教飛雪鬪梅英未有東風便有情竹裏藏春春不
覺水邊見月月羞明神人自惜迷姑射天女何妨伴
淨名第一花中拈寶相談禪說法大修行

姜山通閣黎真骨歸塔以詩送之

空門龍象道高升坐使山川盛氣增天道不言成四
氣人問無處證三乘雪深尚有游山客烟冷空餘禮
塔僧一葦莫嗟成萬古知身來往本何曾

剡溪月下泛舟

歲殘清夜一溪澄更受千峰霽月升天地高低銀色

界山川表裏玉壺冰
裘單擁火宜無倦
石響竹舟恐
不勝休數興來并興盡
茲游今古亦何曾

歲杪道中

巖風號萬木天意自悲傷
野逢殘歲危峰半夕陽
吾生猶道路此恨付杯觴
正是淒涼迥寒梅逗晚香

送黃生還臨安

舊事恍如前後身
龍門四紀更情親
茅廬驚歎見新
客天馬超騰感似人
三歲草荒前歲雨
一枝梅作渡
江春莫言胡越方成別
纔隔雲溥莫問津

再和雪聲

天上威儀世豈知
六花寒露夜偏宜
半空環珮朝元
罷滿地珠璣
按舞時較
初隨風更急
蕭蕭却雜霰
俱遲房公松竹分清俗
除却天聲總未奇
又作帝宴
鈞天世豈
知六花寒露夜偏宜
房琯云天下之聲
惟竹聲最清及聽松聲
如竹聲更俗
每行扶病訪王文孺
曜庵且蒙和賜佳章
次韻

為別

西風過雨冷孤壺
客路衰骸与病親
烟渚好橫今夜
笛聲林暈憶舊時
人凌空丹藥傳岩客
近有游客蓋
吕公也遺文
及神丹照水紅蓮賦
洛神老淚數行傷
別畫自憐無
可更帶巾

九月二十七日與客游龍山

野服芒屨步，同天寒酒薄。客情濃，身如萍水。同千里，路入烟蘿。更幾重滄海清江。共今古黃花紅葉。雜秋冬暝雪。自與千峰合。送我歸鞍寺、鐘

送無相祖老真骨歸塔

去東一念等孤雲。隻履西歸道更尊。落葉滿山新塔就。兩花盈几故徒存。風清罷放林間鶴。月冷空啼嶺上猿。白髮未為生死別。寒松猶繞舊松門。

送嘉魚周尉

大門志與古人謀。萬卷詩書第一流。文采薈華今有

徒死生契濶。獨相求天回涼色偏宜月。地近潮聲先帶秋。此別頻書訪存沒。女人曾見綵衣游。

上巳日送韓簡伯

門戶前陳士論。愈却隨王謝老江南。一官傲世妨才命。萬事承家任苦甘。漁艇我將還舊隱。僧窻誰與對清談。落花風雨西陵渡。佳節可憐三月三。

次韻梅花

廣寒宮裏自無倫。不祇塵中第一人。絕態乍辭天上舊清香。更占世間新烟愁。月恨迎回顰日暖。風遲俗却春且對流年覓新意。橫斜疏影句皆陳。

望大梅欲回雪竇路險而止口占示同行
曉赴尋幽意氣豪冥冥重霧濕征袍天扶寶勢千山
拱海助寒聲萬籟高休數興衰兩蝸角從來憂樂一
鴻毛了知終老林泉是渡水穿雲久六勞

倚樓曲

天邊皎月凝清光圓缺不如人意長夜來常和月
落清曉鏡裏看新粧此情同生復同死君似欄干要
堪倚高樓風送管絃聲腸斷五陵年少子

雜興效阮步兵

松嶺負殘雪高映寒日暉衝風忽飄墜勢若從天飛

庭虛四散入凌亂侵人衣衣重不忍拂恐與清景違
援琴弄太古聲淡節亦稀衆笑已獨賞恍然迷是非
乃知絕絃意千載同依

賦得隔樹見秋燈

隔樹見秋燈青熒更可愛幸籠宜葉疏微透嫌枝礙
深誤暗蟲投靜窺樓羽在望疑簾幕中吟惜闌干外
月到冷光出風來孤影碎山客遙夜啼耿耿如相待

游東陽涵碧亭劉夢得所賦詩也明日過中興

寺游覽終日記所見

我游東陽城隱侯昔所治山川無古今城邑有存廢

夢寐証碧亭州間得遺意記飛流落天明噴瀝寒玉碎

停車風雪中豈特生秋意李杜到韓州劉崢嶸相品次

景因真賞見遺句細吟契假蓋上前峰提携有兒稚

明朝春開晴步到中興寺山僧引客游佳處相指似

群峰四抱圓浮烟生暖翠唐年故刺史宅作布金地

報以遺姓存猶盛邑中厲唐刺史厲日新捨宅為禪寺今邑中有後嗣存焉

月生旁死魄應真傳絕藝峨嵋畫三佛張吳意能儼

氣象隨世依病鶴無猛鷲碑陰華縱橫才翁雄近世

疑蘇耽鶴去家已千歲懷土一束歸故畫華表字有詩

貫休畫三士佛及蘇才翁記墨上方有重閣景與眾山會一酌玻璃

泉碧色劍鋸涿小叢相思樹紅藥紫丹荔僧言此芳

根草木獨聖異上枝花盡開下實方委墜開落俟相

見終始周一歲不同桃与李華實苦相避愧師論應

實未辨談實際山寒足力疲蕙帳聊假寐交錯佛衣

巾紅綠錯袂袂雖非維摩室天女亦相戲非起濯古銅

壺凜凜存往製滌手焚妙香剩与洗塵滓歌枕聽松

風為我動解穢幽尋欲黃昏小圃春物麗落日在前

峰駘蕩東君醉宮娥失翠鈿搖蕩誰復制風起落花

多翩然如墜珥植杖久徘徊羈旅得少慰恨無昔人

語剖析發幽秘明朝漫回首長途方筇纒綿綿苦香

多天涯亂愁思

刺溪王秀才畫子猷訪戴圖

刺溪萬壑千岩景人境誰能識心境君画山陰雪後

船始悟前人畫清興眼中百里舊山川荒林雪月縈

寒烟應緣興故無畫賓主不見寧非禪當年戲留一

轉語不意丹青能畫觀更画人琴已兩忘妙画子猷

真賞處

必明廣

佛心猶日出何曾礙須彌散為普光明合作四威儀

萬古止此日羣目盡見之普現一切水君自今澗澗

高垂大圓鏡君自存妍媸方寸無畫燈何處存思惟

高禪聞妙道行作人天師維摩開丈室廣成更求詩

衆說到山岳我以一理推萬方聲一槩我初拙言詞

至現莫如心舉念用四維必明乃本明畫掃棘与茨

豈知都用晦隱現兩不知大千在毫髮聖言不吾欺

追和澗明九日閒居詩

白髮不堪鏡殘骸寧久生已是夢中事那知身後名

古今黃花節增重由澗明後來杜与蘇感擊皆同聲

垂老入無窮田恨何千齡今我過佳節濁酒惟頻傾

豈比區中士軒冕矜暫榮滄溟芳歲晚古寺久客情

洗滌流落歎支公句新成

畢少董緒徑圍詩

我知君子有常心誰謂春秋無定法常心安法皆一

塗萬變在前吾不感錦衣白馬青油客回首傷心淪

異域徧帶喜贈延州來一見渾如舊相識片時偷生

萬年泣僅得義存身乃立已將生死委天公要因華

削明我迹偃蹇榻上書千牘生使群儒作墻壁凜然

紬史行天誅掃除坦塗大搜索贊辭自昔非游夏叛

去如今無籍混鴻雁書聞到上林管絃聲任未凝碧

媽然侍側兩少麗桃李根莫能及莖蕊稍輕露有

華早梅花嫩春無力欲將婢子因君心豈料君心堅

鐵石果間遠使報還家萬里精誠初不隔書成初奏

未央宮金馬石渠皆動色不與左氏作忠臣忠欲天

王坐中國聖人大法先能識節義大閑今獨得傷麟

歎鳳非道窮千載相逢猶咫尺尊王便是祝堯心聖

人壽與天無極

和明上人見贈

西湖梅蕊暗香浮錫杖凌空過沃洲後會重尋人更

老顏光不駐水爭流夕陽天際青山出暝色烟中白

鳥啣此境只曾支遁賞剡溪今始得湯林

又
六見月華虧又盈却來松下笑相迎
事銷蠟雪渾非
舊人似寒梅獨有情香火舊緣生理足
煙霞新志著
書成明朝又入千峰去猶恐時人識姓名

寄陳彥山

送君憶昔上鼇山愁折江雪踏雪還
別後重添十年
老靜中猶借半生閒文章千古心空在
書史三冬手
自刪歲晚山中育琪樹傷心何日得同攀

中秋山間觀月

月出空開天宇間
此居真賞異塵寰
冰輪孤挂^夜千條

文玉^密露零秋一山
莫望鄉關起
愁色勝居沙漠慘離
顏桂娥應恨無佳句
不識幽人到老閑

兩夜登雙溪閣

夢寐登臨處
漂流來此行
長年為客意
落日倚欄情
兩過水先發
風生零態輕
山川^沈峽即舊巉
絕有餘青

剡溪久寓

山水戴逵邑
尚餘清興中
千巖落花雨
一徑卷松風
酒茗延幽子
圖書伴老翁
長生吾不羨
久悟去來同

送史純夫出江

悠々遠水李膺舟
漢々餘寒季子裘
隔歲梅花新舊

恨入春山色古今愁重游梁宋三千里看復開河四
百州辨舌縱橫報知己告人憑軾取封侯

秋日

半落庭前葉始知秋意深新風嚴柳
細霜薄水清自
向裏存佳景詩中見古人一峰矜絕態雲外掩孤巒

小立

茅屋藤蘿外憑欄煙靄間亂蟬催暑去急雨帶秋還
路入雙溪口門當四面山詩成題未有翰墨半清閑

將卜山居寄懷

山居香火伴殘經此絕全家在畫屏黃葉
藏一溪

碧白雪堆擁萬峰青安知過酒分賢聖但可與人同
醒萬事休心惟白髮更須結託老人星

除日得銅溪老人書

除日相思輒寄詩深光不特我衰遲歲窮山海波濤
急天冷空山鳥獸悲一氣先觀雪暖處百花猶避歲
寒枝近年送臘須臾夢正似須弥不動時

望秋

門對萬山深登臨老病侵牛羊隨野色草樹帶秋陰
此景聊供望何人肯見尋狎鷗不用下我自信無心

病中

遙夜支頤坐春醪負十分碧天沈宿靄清月入微雲
真長怯多病翔潛喜不聞鞦韆人樂處十載愴離群

寄東山覺老

虹粧碧嶂舊登臨未演真常契佛心漫道山林無獨
往那知笙磬有同音堂前明月四時好山外白雲千
古深此別松門無復見漁樵為伴老相侵

陸左丞夫人鄭氏挽詞四首

家學淵皇紀淑聲通德門內朝班早貴中壺譽尤尊
開說千年事扶携兩世孫從夫得文伯萬古姓名存

五

寒日明丹旆流塵曙綵衣那知長夜去無復逝川歸
方士言終誤神丹事已非出門尋弔客惟有鶴雙飛

三

軒冕三從盛門庭五福優淒涼孝子淚悲慟故山林
揚子新阡啓班昭舊史留空堂對萱草無復更忘憂

四

貌毀乘之棘心傷蓼之莪斷機慈訓在懷橋孝思多
露草寒霜淚雪山翠涌波悲風感行路楚挽不成歌

雪溪詩卷五

絕句

同賦梅花十二題

半開

一枝開破一年春
門葉凋花總後塵
却恨無媒憐獨夜
月偷清影向何人

清晨

曉色宜春露蕊鮮
玉人斜插鬢清妍
新花更映新粧面
無限風光在鬢邊

賴人王 銍

風前

清香自滿不因風
花氣迷人處
同祇與吹開
又吹落
春愁已在笛聲中

月月下

樽前舊厭繁
多態雪裏曾嫌淡
少情何似天
客開夜色
數枝寒玉轉
輕盈

雪後

枝留晴雪色
輕分似向殘粧試
粉痕恨滿前村
花落處
萬重烟靄遠
連雲

雨中

水泛殘香不可尋
更堪烟雨鎖花心
祇知賜浴恩
波重未識和戎怨
淚深

水邊

雪後溶溶嫩水通
滿枝烟雨暗
春風試看照影橫斜
處
渾似靚粧清鏡中

竹外

枝上淡烟籠白雪
此君高節助清真
要知謝女姿容
別林下風標出塵

江村

竹籬茅屋江郊路
未肯阿粧塵市間
小朵飄零水風

晚天隨殘月落閑山

山館

窮途游子年華晚折贈無人信手題曲戀清香忍回
首五更立馬斷橋西

薄暮

寒欺雪動未逢春照影今宵借月魂可惜孤山吟已
盡後來曲絕幾黃昏

欲謝

零落斜枝雪未乾且垂薄暮護微寒大都榮悴人情
別我為殘英特倚闌

墨君子詠

弄雨

一段風烟筆下開小枝帶雨思縈回障風一袖如相
向說與常娥淚落來

藏岩

小年鞋別廬山道林下微吟夜更幽影落人行半巖
月五更風露一山秋

露葉

秀色消々自出塵曉枝更帶露華新清風一至如相
語從此開簾未故人

霜節

春花秋葉不同時高節偏于墨色宜莫遣世間丹綠
華等閑俗却歲寒枝

舞月

江樓月下夜聞歌不奈忠州刺史何
輕弱腰支更清峭柳枝何似竹枝多

遊石

渭水侯多失舊封平泉池館亂東空
青青石上何人賞孤映暮山風雪中

欺雪

愛竹高風已自賢興來更泛剡溪船
枝間清響風爭雪憶得東林夜宿年

雪梢

第五橋邊一徑遙滿林野竹立江郊
鴛鴦浮破水涵影翡翠壓斜風舞梢

外風

倚竹佳人生暮愁那知情伴夜蟬幽
一山風雨龍吟罷聲入江雲嫋
秋

憶昔

匡廬古寺暗松藤曾宿寒岩最上層
火暖燭温四山

靜前溪風雪後寔燈

春春郊

不斷相蕪起暮愁無窮楊柳拂東流一聲歌罷香輪
去只有斜陽伴画樓

又

碧飛紅斷正傷春萬里天涯一病身芳草路長樓百
尺樓中更有凭欄人

曉發石牛

車馬出清晨日淡風微已仲春松竹陰中山未
盡梅花林外有行人

山中夜聞風雨

空山清夜寒無寐松檜搖聲風雨高行盡江湖志若
壑猶疑遠屋書波濤

芳草

會時曾記梅龍雪別後常懷月照沙到底多情是芳
草長隨離恨遍天涯

晚望

春濃已伴客愁濃門掩雨餘江上峰莫道夕陽無一
事遠頻眉黛更千重

杏花

玉人半醉暈豐肌何待武陵花下迷
記得鞦韆千婦後
約黃昏新月粉牆西

醉裏餘香夢裏空又隨風雨去
紛紛人間春色都多
少莫掃殘英在斷魂

古意

歌聲怨極珠難續琴韻愁深水易分
公子何須賦巫峽夢中真復有朝雲

雨夜

去國襟懷離別情夜眠雨驛歎
孤征轉頭三十年前

恨猶聽當時枕上聲

雪溪亭觀雨

晚雨塵纖正滿空萬峰都在暝雲中
風回變態河深淺坐看天花水墨工

山中早秋

蒼茫山口月西沈滿洒新秋院落深
雨滴梧桐河漢淡夢回猶記少年心

山居追涼

松門東路有柴閑涼臥清宵夢亦閑
更待海風來萬里一天露月滿空山

秋容

如画群峰縱復橫孤烟收盡片雲輕
天容常帶秋容
淨萬里碧天新雨晴

雪作望剡溪

玉樓瓊樹曉烟披
擁衲開門四望迷
清曠世人誰似
我雪中更到子猷溪

寄南岩悟禪師

雪後千峯玉刻成
瓊瑤寒照寺樓明
遙知禪老閑定
坐拍點烟村看曉明
雪晴開渡西溪

雪後孤村一段相
晴光遠射玉山川
酒旗隔岸招閒
客獨上西溪渡口船

送溥上人游九巖

殘菊孤花留暮秋
勞師問路亂山頭
九巖只望孤雲
去舒卷如雲得自由

泉聲

娟娟山月半岩明
樓殿霜重夜氣清
誰把玉琴來寫
取松風吹斷夜泉聲

寄和邢子肩孫肖之始春見寄

春風初到亂山頭
無數殘梅尚未收
何待傷春對晴

景頊雪橫盡古今愁

又

海山雪後海天寬
群玉參差萬里寒
巖谷無人共清
夜倚欄獨向月中看

又

山林老去萬緣休
只有情鍾舊輩流
芳草無窮山四
向斷腸人在最高樓

憶廬阜寄機上人

憶在東林學夜禪
月中清響聽風泉
不須更作廬山
夢魚鳥相忘二十年

上方

松間清月佛前燈
庵在孤峰更上層
犬吠一聲秋意
靜敲門時有夜歸僧

寒夜

淡月新霜似舊時
更憐秋與夜遲遲
夢回一枕淒涼
恨帳外青燈不得知

晚意

山空寺古紫苔侵
更喜漁樵不見尋
坐對林陰晚蕭
瑟風吹敗葉入廊深

即事

佳依西口破殘春身伴渡頭零落雪更向空山拾黃
葉姓名那有世人間

南巖悟禪老見于山中同息玉糝羹

我家峰頂最高層落葉蒼崖不可登清坐與師烹玉
糝千岩風雨夜深燈

明覺寺折梅

遙山天際斂眉峰清淺溪邊淡粉容薄暮寺橋人獨
立一燈明滅數聲鐘

夜晴

雨脚初收天意晴西風搖蕩夜寒清披衣自起開窻

戶落月一山高下明

古漁父詞十二首

漁父家風我所知家風要與道相宜不懷貪餌吞鉤
意常似絲綸未下時

二

雨中漁艇一聲歌去岸青林照碧波躍馬更誰思往
事紅塵千丈奈人何

三

萬里號風雪滿山黃蘆崦靄水汪灣九衢朝馬愁泥
滑不識漁翁興未閑

四
風波穩處釣舟閑
雲去諸山暝不還
江面一峰何所
似青鏡銅裏綠
雲鬟

五
千古高人張志和
浮家泛宅老煙波
不應別有神仙境
祇此滄江一釣簑

六
虞舜遺風遠可尋
烟波一棹古猶今
九疑蒼莽三湘闊
盡是雲山詔護音

七
曾是三閭屈大夫
強將清濁較賢愚
如今更覺前言拙
醒醉由來本不殊

八
風裊溪頭釣線多
戲魚無奈巧依荷
直須飄盡浮萍草
盡放青天照碧波

九
禹門三級浪千重
變化飛騰豈有蹤
寄語魚蝦休上釣
要看頭角是真龍

十
得即懽忻失即憂
死生輪轉暗相離
那知垂釣非真

釣不在絲綸不在鈞

十一

船子禪師意未平萬波要喻境中 魚寒不食清池

釣何處歸舟有月明

十二

波清百尺見鱗修水色天容自古新昨夜西江浴明

月冰輪玉兔絕纖塵

雪溪詩卷五

光緒甲辰九月十一日至十五日錄畢時寓都
城東華門外之屬廬
樹徵記



